

宜寧南氏族譜卷一

始祖南英毅公諱敏

公本姓金諱忠中朝鳳陽府人唐天寶十四年奉使日本還海中  
遇颶風漂泊于慶尚道寧海地公以中外一天下莫非王土願居  
之新羅王以事咨于天子詔曰十生九死之臣不可以臣拙之宜  
從攸居之願國王褒其漂泊以其自南來故賜姓南公改名敏仍  
卜居于英陽縣以其縣為食邑封英毅公云○詳見弁錄  
寧海府東十里丑山島有遺墟宜寧後孫領相公轍撰碑

後孫 諱倜

武科及第

諱翼

檢校太子詹

事英陽君

諱謙

一云讓衛尉主簿同正

配道州吳氏大匡上洛君衍女

諱淑孫

宜寧南氏族譜跋

後癸酉六十六年而再修譜廣舊譜至八卷凡八閱月而功告訖  
泰普於斯役蓋亦用心勤已然遐方同姓之人猶有漏於舊譜者  
故廣加搜訪或證其私譜或叅以帳籍畧有十許泐追錄而尙恐  
有闕漏者又爲別錄以備後攷焉其條例品目則詳在弁錄可按  
也或者病其不嚴以爲譜法如史筆此則過矣謹氏之撫實去僞  
或與史氏同至如抑揚是非之權不可施諸私譜所貴乎譜者忠  
厚敦睦之誼也今我同姓之當入而不幸不入於舊譜者又不入  
此譜則未知後幾十年又當修譜而一不入再不入者其果卒入  
乎不入則於是乎爲無本之人天下豈有無本者乎噫吾與彼固  
同祖而幸者圭組蟬聯不幸者落遐方貿貿失學夷於匹庶往往  
有如彼者顧安知異日幸者之後又不爲不幸者耶是可哀而亦

可懼也是爲跋後孫通訓大夫益山郡守泰普謹撰

吾宗之譜始成於明陵癸酉再成於元陵戊寅三成於當  
寧戊辰戊寅譜卽我王考西山公所成而平生精力盡在此譜後  
戊寅五十一年修續譜宗人謂余以西山公孫俾掌其事辭不獲  
纂慎嚴畏粗貢淺薄之誠五閱歲鉅梓詳密博洽曷敢曰繼前躅  
之萬一哉不肖孫履綏續跋

惟我宜寧南氏之譜自戊寅後更未修補後來雲仍蕃衍至於五  
十之老而不得入譜吾宗之慨歎厥惟久矣越甲子湖中諸宗始  
會議更修之計於是京洛之意同然無異乃設廳納單更爲謀成  
僉議讎對之任不佞爲可不佞雖聰明不及於人愚鈍最下於人  
然於吾宗修譜之事素蘊一展區區之誠茲不敢辭相役看校纔  
歲周而至戊辰告訖五十年不修者今乃得成可謂幸矣而不佞

之得展素蘊微誠亦云幸矣直提學公後孫履鎮謹跋

戊寅譜後四十七年甲子修新譜族叔履昇氏鶴柱氏寶主之四閱年不幸不卒業嗚呼惜哉近中懼其中輟而不遂猥當續貂之役未周歲功乃告訖與有榮焉非但爲近中之幸乃吾宗之幸也謹誌于末歲戊辰仲春也忠簡公後孫近中謹跋

吾宗戊寅譜後有甲子譜今至六十餘年之間吾宗之蕃衍者亦復幾何而譜未能繼而修之諸宗之病之者久矣尙書宗相吉氏深有意於尊祖收族之道乃自丁卯以後廣求諸宗家遺乘古蹟勞以鳩財大開刊役功未告成而朝露先之矻矻苦誠將至中途而廢此豈但諸宗之不幸也哉實是譜事之一否運也名門心法傳授有人尙書從侄承旨宗一祐甫淹博羣書克追家聲慨先志之未卒憫宗事之將墜因其規模補其遺漏搢搢日夕續而役之

積幾日月事功竟竣於是乎尙書之志事大明而諸宗之宿願畢  
矣譜旣成以不佞年高行尊請一言以識之不佞義不敢辭茲庸  
畧掇其顛末題于卷後乃敬奉新譜盥水披閱則自然有興感之  
端矣噫吾宜春之南始於羅代迄于今千有餘年而本本支支克  
熾而昌散在四方者不億其麗聞人顯官間世不絕固可謂三韓  
之一大姓也苟究其源此莫非祖先垂裕之德洋洋乎深且遠而  
然也若使今日新譜中諸宗念祖先積累之澤體祖先均視之意  
依倚之情無間於遠近愛好之念不殊於顯晦謹守宗法恪修宗  
誼不失其衣冠世族之規風則冥冥之中祖先嘉悅之心安知不  
其肯曰予有後乎嗟嗟諸宗無我言耄戒之勗之庚午仲春下泮  
後孫崇政大夫行吏曹判書兼判義禁府事知 經筵春秋館事  
五衛都摠府都摠管性元謹跋

惟我南氏派分枝連遍於國中殆過萬人皆以英毅公爲祖盛矣  
哉書曰以親九族又曰惇敘九族不敘不親烏在其爲盛也此乃  
古昔聖王敦本而勵世者也其要在於明統系別本支正昭穆夫  
統系之明本支之別昭穆之正不外乎譜牒吾譜之修今三十年  
餘子姓漸繁懼夫逸而不載也乃於戊戌夏諸族會議修譜謀所  
以鳩財董工京鄉宗族無有遠邇莫不一辭稱宜而二三尊宿考  
校舊牒釐正註誤以相其役再閱歲而工告訖派系條理燦然復  
明而親親惇族之義於是益著豈非吾宗之幸耶敘述氏族之淵  
源重修譜牒之始末已於判書族叔序文盡之茲不復贅

歲庚子十二月  日  后孫前承旨肅熙謹跋